



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-474-9/22**
Datum: **19.12.2022. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „HIFA - PETROL“ d.o.o. Sarajevo, za izdavanje vodne dozvole za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u ulici Žrtava fašizma, u Velikoj Kladuši, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku (Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola pravnom licu „HIFA - PETROL“ d.o.o. Sarajevo, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u ulici Žrtava fašizma, na zemljištu označenom kao k.č. broj: 2700/3 i 2701 (novi premjer), odnosno k.č. br. 19/8 (stari premjer) K.O. Velika Kladuša, općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uvjetima:
 - 3.1. Da korisnik predmetnog objekta benzinske pumpne stanice sa pratećim sadržajima (za koje je izdato odobrenje za građenje i upotrebna dozvola), isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole. **Za izgrađeni objekt samouslužne autopraonice nisu predloženi akti o građenju te ispuštanje tehnoloških otpadnih voda sa prostora istog nije obuhvaćeno ovim Rješenjem, a primjerak ovog Rješenja se proslijeđuje i Federalnoj upravi za inspekcijske poslove – Federalnom vodnom inspektoratu, na nadležno postupanje.**
 - 3.2. Da u roku važenja ovog rješenja korisnik, „HIFA - PETROL“ d.o.o. Sarajevo, izradi i reviduje projekt vanjskog uređenja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta benzinske pumpne stanice sa pratećim sadržajima te realizuje radove predviđene izrađenom projektnom dokumentacijom. Projektna dokumentacija treba biti urađena na nivou glavnog projekta od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12). Projektna dokumentacija pored općih uvjeta treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) koja su bitna za konkretan slučaj, a naročito:
 - Situacioni prikaz svih hidrotehničkih objekata na predmetnoj lokaciji, urađen preko katastarske podloge sa prethodno urađenim geodetskim snimkom terena. Uraditi snimak izvedenih instalacija i internih pretakališnih i saobraćajnih površina. Dati prikaz i položaj spremnika za gorivo, uređaja za tretman otpadnih vod, i slično;
 - Hidraulički proračun količina potencijalno zauzjenih oborinskih voda koje nastaju na lokalitetu benzinske pumpne stanice i tehničko rješenje njihovog prečišćavanja sa svim potrebnim proračunima i tehničkim opisom u odnosu na izvedeno stanje (ugrađeni separator ulja i masti);
 - Predvidjeti ugradnju separatora ulja i masti u skladu sa EN 858-2, sa koalescentnim filterom i automatskim zatvaračem,

- dati rješenje konačnog disponiranja prečišćenih voda i naznačiti mjesto vršenja monitoringa prečišćenih voda (okno za uzimanje uzoraka);
 - definirati izradu monitoring okna za uzorkovanje prečišćenih voda, prije ispusta u recipijent, u skladu sa članom 19. stav (4) Uredbe,
 - dati prikaz i opis spremnika za gorivo (materijalizaciju, hidroizolaciju, sistem automatske dojava o procurenju međuplašnog prostora, nacрте spremnika, i slično).
 - jasno naznačiti postojeće stanje i projektom predviđene intervencije,
 - u projektu je potrebno definirati položaj objekta u odnosu na zone sanitarne zaštite izvorišta vode za piće, te sagledati sve moguće neželjene uticaje na planirani objekt i planiranog objekta na druge objekte i postrojenja, sa osvrtom na uticaje na susjedne parcele i stečena prava korisnika, postojeću infrastrukturu, naselja i slično te dati prijedlog mjera sa tehničkim rješenjem za sprečavanje tih uticaja,
 - ukoliko se nakon izvršenog hidrauličkog proračuna za onečišćene oborinske vode sa prostora internih saobraćajnih i pretakališnih površina, odnosno za tehnološke otpadne vode sa radnog prostora autopraonice, traženo tačkom 3.2. ovog rješenja, ustanovi da kvalitet onečišćenih oborinskih voda ne zadovoljava uvjete propisane Uredbom o ispuštanju otpadnih voda u okoliš i sisteme javne kanalizacije, onda je potrebno, u skladu sa članom 26. stav (2) Uredbe, uraditi detaljan dinamički plan koji sadrži spisak aktivnosti i mjera sa finansijskom procenom za ulaganja (za svaku narednu godinu razrađeno po godinama) i smanjenje emisija sa predviđenim završetkom aktivnosti do roka iz stava (1) istoga člana, a u cilju zadovoljavanja uslova za ispuštanja tehnoloških otpadnih voda u skladu s Uredbom;
 - **projektom se treba obraditi i sadržaj izgrađenog objekta samouslužne autopraonice kojeg je vlasnik objekta naknadno izveo na predmetnoj lokaciji na istoj katastarskoj čestici. Prema izvještaju o minitoringu otpadnih voda, tehnološke otpadne vode nastale na radnom prostoru za pranje vozila odvođe do postojećeg separatora ulja i masti za kojeg monitoring otpadnih voda radi korisnike predmetnog objekta benzinske pumpne stanice. Za objekt samouslužne autopraonice je potrebno pribaviti akte o građenju, a za aktivnost isuštanja tehnoloških otpadnih voda sa prostora istog, potrebno je pribaviti i odgovarajuće vodne akte.**
- 3.3. Izvršiti ispitivanje izvedenih vanjskih hidroinstalacija na vodonepropusnost i priložiti zapisnik o ispitivanju.
 - 3.4. Izvesti okno za uzorkovanje na cijevnom vodu neposredno iza uređaja za tretman otpadnih voda, a prije ispuštanja prečišćenih voda u predviđeni recipijent te izvršiti uzorkovanje otpadnih voda sukladno članu 19. stav (4) Uredbe o ispuštanju otpadnih voda u okoliš i sisteme javne kanalizacije.
 - 3.5. Da u roku važenja ovog rješenja, korisnik predmetnog objekta za aktivnosti na predmetnoj lokaciji i objektu pribavi okolinsku dozvolu (ukoliko podliježe obavezi pribavljanja iste) od strane nadležnog organa uprave.
 - 3.6. Da u roku važenja ovog rješenja, korisnik predmetnog objekta pribavi odobrenje operatora javnog gradskog kanalizacionog sistema, ukoliko se ispuštanje otpadnih voda vrši u isti.
 - 3.7. Skladištenje nafte i naftnih derivata vršiti u podzemnom dvoplašnom rezervoaru uz primjenu sistema automatske dojava o procurenju međuplašnog prostora, kapaciteta 100 m³.
 - 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema zaključenom ugovoru.
 - 3.9. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti i taložnik), a zatim tretirane vode ispuštaju u recipijent.
 - 3.10. Objekte za prikupljanje, tretman i ispuštanje onečišćenih oborinskih i tehnoloških otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službeni evidenciju i arhivu.

- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Da se redovno vrši monitoring prečišćene oborinske onečišćene vode iz okna za monitoring shodno članu 19. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
- 3.13. Talog iz separatora kao ni ostali opasni materijal i opad se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „HIFA - PETROL“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete..
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Sl. novine Federacije BiH“, broj 26/20 i 96/20) se daje sa rokom važenja do 19.12.2023. godine.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „HIFA - PETROL“ d.o.o. Sarajevo, obratilo se ovoj Agenciji dana 09.09.2022. godine zahtjevom, broj: 91-INV/22, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u ulici Žrtava fašizma, u Velikoj Kladuši.

- U provedenom postupku, uz zahtjev za izdavanje vodne dozvole dostavljena je i pregledana dokumentacija:
- Aktuelni izvadak iz sudskog registra, Matični broj subjekta upisa: 65-01-0723-08 (stari broj 1-24991); izdan od strane Općinskog suda u Sarajevu pod brojem 065-0-RegZ-22-007188, dana 14.07.2022. godine (kopija),
 - Uvjerenje o registraciji/upisu u Jedinostveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPP/1-16499/07, dana 06.09.2007. godine (kopija),
 - Uvjerenje o poreznoj registraciji, izdano dana 23.02.2005. godine od strane Federalnog ministarstva finansija – financija, Porezne uprave – Kantonalnog ureda SARAJEVO (kopija),
 - Nalog za plaćanje upravne pristojbe (ovjerena kopija),
 - Rješenje o izmjeni rješenja o vodnoj dozvoli, kojim se mijenja rješenje Agencije broj: UP-I/25-3-40-452-6/17 od 14.09.2017. godine u smislu promjene imena korisnika, tako da umjesto imena „BUSHEL“ d.o.o. Bihać teba da stoji: „HIFA – PETROL“ d.o.o. Sarajevo; izdano od strane Agencije za vodno područje rijeke Save Sarajevo pod brojem UP-I/25-3-40-452-10/17, dana 15.03.2022. godine (kopija),
 - Radni zapisnik o radovima na pranju i čišćenju podzemnih rezervoara i/ili separatora na B.S. Velika Kladuša, Broj 16-08/22 od 02.03.2022. godine sa transportnom dokumentacijom za otpad (kopija),

- Izvještaj o monitoringu kvaliteta i kvantiteta otpadnih voda benzinske pumpe i autopraonice „HIFA PETROL“ Velika Kladuša; urađen od strane Inspekt – RGH d.o.o. Sarajevo pod brojem 58/22, dana 25.01.2022. godine (kopija),
- Izvještaj o monitoringu kvaliteta i kvantiteta otpadnih voda benzinske pumpe i autopraonice „HIFA PETROL“ Velika Kladuša; urađen od strane Inspekt – RGH d.o.o. Sarajevo pod brojem 1015/22, dana 11.07.2022. godine (kopija),
- Kopija rješenja, kojim se daje upotrebna dozvola d.o.o. „Termoglas“ Velika Kladuša, za upotrebu poslovnog objekta benzinske pumpe sa pratećim sadržajima, namjene trgovina 33,80 m², restoran sa kuhinjom i skladištem 121,36 m², natkrivena terasa 32,45 m², i pomoćne prostorije 42,00 m², izgrađen u Velikoj Kladuši, Ulica Žrtava fašizma bb, na zemljištu označenom kao k.č. br. 2700/3 i 2701, upisano u pl. 2653 K.O. Velika Kladuša, što po starom premjeru odgovara k.č. br. 19/8 upisano u zk. Ul. 985 K.O. Velika Kladuša, za koji je ovaj organ prethodno izdao odobrenje za građenje broj: 05/1-23/2-500/08 od 03.03.2008. godine i 05/1-23/2-2303/08 od 02.12.2008. godine; izdano od strane Općinskog načelnika Općine Velika Kladuša pod brojem 05/1-23/4-2944/08, dana 22.12.2008. godine, u Velikoj Kladuši (kopija),
- E-mail sa upitom o plaćenim posebnim vodnim naknadama, upućen prema Službi za prikupljanje prihoda od vodnih naknada dana 26.10.2022. godine (kopija),
- E-mail, kojim se Služba za prikupljanje prihoda od vodnih naknada očituje da podnosilac zahtjeva redovno izmiruje svoje obaveze, od 27.10.2022. godine (kopija),
- Aktuelni izvod iz sudskog registra, Matični broj subjekta upisa: 65-01-0723-08 (stari broj 1-24991); izdan od strane Općinskog suda u Sarajevu dana 06.06.2022. godine (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem: 04/1-17-1-UPJR/1-3511-2/08, dana 20.05.2008. godine (ovjerena kopija),
- Uvjerjenje o poreznoj registraciji, izdano dana 23.02.2005. godine od strane Federalnog ministarstva finansija – financija, Porezne uprave – Kantonalnog ureda SARAJEVO (ovjerena kopija),
- Ugovor o zakupu poslovnih prostorija na period od 10 (deset) godina, zaključen sa „BAREL“ d.o.o. Cazin dana 30.11.2021. godine kod notara Harisa Džafe iz Hadžića pod brojem OPU-IP:1983/2021 (kopija),
- Račun za utrošenu vodu i komunalnu uslugu 216743-1-09/22-10, za obračunski period od 01.09.2022 do 30.09.2022. godine (kopija),
- Rješenje o vodnoj dozvoli, kojim se daje vodna dozvola pravnom licu „BUSHEL“ d.o.o. Bihać, za promet opasnih materija koje nakon upotrebe mogu dospjeti u vode i ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u ulici Žrtava fašizma, izgrađenog na zemljištu označenom kao k.č. broj 2700/3 i 2701, pl. 2653, K.O. Velika Kladuša (podaci novog premjera), odnosno k.č. broj: 19/8, zk. Ul. 985, K.O. Velika Kladuša (podaci starog premjera), općina Velika Kladuša; izdano od strane Agencije za vodno područje rijeke Save Sarajevo pod brojem UP-I/25-3-40-452-6/17, dana 14.09.2017. godine (kopija),
- Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem: UP-1/21-3-40-474-5/22, dana 04.11.2022. godine te kopija elektronskog naloga za prenos sredstava.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled objekta benzinske pumpne stanice sa pratećim sadržajima „HIFA - PETROL“ d.o.o. Sarajevo, u ulici Žrtava fašizma, Velika Kladuša, i tom prilikom sačinjen zapisnik o uviđaju broj: UP-1/21-3-40-474-6/22, dana 11.11.2022. godine.

Poslovni objekt benzinske pumpne stanice sa pratećim sadržajima „HIFA - PETROL“ d.o.o. Sarajevo, je izgrađen sa desne strane magistralne ceste M4.2 Cazin Srbijani – GP Maljevac, u ulici Žrtava fašizma u Velikoj Kladuši. Objekt se sastoji od nadstrešnice sa automatima za istakanje goriva, maloprodajnog objekta sa sanitarnim čvorom, upravnim prostorijama, podzemnog čeličnog dvoplašnog spremika za gorivo te manipulativnog asfaltiranog prostora i zelenila. Objekt se nalazi na terenu u nagibu od ceste, sa internim saobraćajnim i pretakališnim površinama, a na izlazu sa platoa na magistralnu cestu ugrađeni su ulični slivnici, a na razdjelnici pretakališnih od manipulativnih površina su ugrađene linijske slivne rešetke.

Sanitarne otpadne vode iz objekta upravne zgrade su kanalizacionim cijevnim sistemom priključene na septik. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do upojnog bunara. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju u upojni bunar. Manipulativni prostor za tankovanje i pretakanje je betoniran.

Na predmetnoj lokaciji je izveden i objekt samouslužne autopraonice sa dva boksa za pranje vozila. Predstavnik podnosioca zahtjeva je izjavio da podnosilac zahtjeva ne koristi objekt samouslužne autopraonice, već da isti koristi vlasnik objekta. Međutim, uvidom u Izvještaj o monitoringu kvaliteta i kvantiteta otpadnih voda na predmetnoj lokaciji je konstatirano da podnosilac zahtjeva plaća monitoring i za otpadne vode sa prostora samouslužne autopraonice.

Podnosilac zahtjeva, kao niti prethodni korisnik predmetnog objekta, nije uradio projektnu dokumentaciju zahtjevanu prethodno izdanim vodnim aktom.

Naprijed navedeno je konstatirano u razgovoru sa korisnikom predmetnog objekta pri uviđaju na lokaciji, a tačno stanje treba da se potvrdi projektom izvedenog stanja, zahtjevanog tačkom 3.2 rješenja.

Priloženi su izvještaji o mjerenju kvaliteta otpadnih tehnoloških voda za 2022. godinu, koji pokazuje da su parametri u okviru dozvoljenih vrijednosti propisanih Uredbom. Uzorak uzet iz preliva separatora, a kao krajnji recipijent je naveden prirodni vodotok.

Od strane Službe za prikupljanje prihoda od vodnih naknada AVP Sava je dobijena potvrda da je korisnik predmetnog objekta izmirio obaveze po osnovu plaćanja vodnih naknada.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „HIFA - PETROL” d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „HIFA - PETROL” d.o.o. Sarajevo, Hotonj bb, 71 320 Vogošća,
- Federalna uprava za inspeksijske poslove – Federalni vodni inspektorat, Fehima ef. Čurčića 6, 71 000 Sarajevo,
- AVP Sava, ISV – Vodna knjiga
- Sektor 50
- 🕒 Sektor 40, arhiva
- Oglasna ploča AVP Sava